

沖虛至德真經八卷

(晉)張湛注

宋刻宋元遞修本(缺葉配清初毛氏汲

古閣影宋抄本)

黃丕烈 汪駿昌 葉昌熾跋。框高二十一·八釐米，寬十五·三釐米。每

半葉十四行，行二十五至二十六字不等，小字雙行三十或三十一字不等，白口，左右雙邊。

《沖虛至德真經》即《列子》，《舊唐書·玄宗本紀》載：天寶元年(七四二)二月丙申，制「莊子號為南華真人，文子號為通玄真人，列子號為沖虛真人，庚桑子號為洞虛真人。其四子所著書改為真經」。宋景德四年(一〇〇七)又加「至德」二字，故有此書名。

今本《列子》係東晉張湛注本，其他各種版本皆出自此本。張湛，字處度，高平(今屬山東)人。晉孝武帝時以才學官中書侍郎、光祿勳。其母為王弼從姊妹，往來外家，故亦善談名理。《四庫全書總目》稱其注《列子》「詞旨簡遠，不尚繁詞」，「亦弼注《老子》之亞」。

清人顧廣圻嘗校此本，「見其中所附音，始猶疑為殷敬順釋文，後細審之，乃知非

釋文，蓋作註者之舊音也」，且「此本字句，釋文所云『一本作某某』皆與此合，則此本之在釋文未行以前可知」。今核本書，通行本注為「一本作某某」者共計三十八處，十一處所出異文與此本正合，可知此本由來甚早。

此本諱字可見「玄」、「驚」、「殷」、「恆」、「貞」等，而「頊」、「桓」則不諱，故清人多以之為北宋槧本。黃丕烈《百宋一廬賦》注曰：「今考《玉海》載祥符四年官校《列子》事，殆其時之本歟？」更懷疑此本係宋真宗大中祥符四年（一〇一一）之官刻本。若以「貞」字（宋仁宗趙禎嫌名）缺筆驗之，則誤。趙萬里先生詳考其中刻工之後，稱：「卷中刻工約分三期。乙成、楊謹、許忠、嚴志等南宋初葉杭州地區良工為第一期。丁松年、馬祖、陳彬、詹世榮、毛祖、蔣榮祖、曹鼎、邵亨、龐次升等南宋中葉杭州地區補版工人為第二期。元時補版工人多不記姓名，或僅記一單字，為第三期。因推知此書當是南宋初期杭州地區刻本，迭經宋元兩朝補版，此為元時或明初印本。元時版送西湖書院，西湖書院重整書目中有《列子》一目，蓋即此本。宋諱缺筆至貞字，北宋後期諱及南宋諱多不避，前人因定此書為北宋槧本，恐不確。」今核是書，未題刻工名氏之葉

亦有避宋諱字者，如卷一葉四「恆」字缺末筆，卷五葉一「殷」字缺末筆等，未必係元時補版。且此本卷二葉六、卷六葉四紙質紙色與其他葉完全不同，亦顯非一次印成。

書中鈐「玉蘭堂」、「辛夷館印」、「毛晉」、「季振宜印」、「乾學」、「黃丕烈印」、「汪士鐘印」、「鐵琴銅劍樓」等印記，知其曾經明代文徵明、毛晉，清代季振宜、徐乾學、黃丕烈、汪士鐘、瞿鏞等寶藏。今藏中國國家圖書館。（張燕嬰）